



Terenga 3: Hōtaka 29 - Whakamārama 2

He Mihi

Nau mai ki Ako - te huihuinga o ngā manako kia ora te reo Māori ki tua o ō tātou whakatupuranga. Ki konei tātou whakamahiti korou ai ki te whakahoki i te reo ki te mata o ō tātou arero.

Hei Mahi Whakarongo

He rongonui anō te kaikōrero e whai ake nei. E taea ana te kī, he whakaoreore tuatara tāna mahi inā hoki, ia rā, ia rā ko tāna he hahu ake i ngā kupu o uki ka whakamahi ai i roto i ngā horopaki o nāiane i runga i te pouaka whakaata. Ki te ao reo Māori, ko Te Manahau tana ingoa, engari ko tana ingoa rongonui ko Scotty Morrison. Anei ngā pātai hei whakautu mā koutou:

- 1) He aha tētehi kupu anō mō te 'pōhēhē'?
- 2) He aha rā te whakataukī rongonui a Hikairo?
- 3) He aha te tikanga o tērā kōrero?

He Whakamārama

I roto i ā Te Manahau kōrero, i puta i a ia ēnei tauira:

- tētahi tino toa
- ahakoa kei roto i te raruraru tino nui rawa atu
-

Koinei ngā kupu a te Māori hei **tohu i te taumata o te āhua** o tētehi mea, o tētehi tangata rānei.

Anei hoki tētehi kīwaha hei whakapuaki i taumata o te āhua o tētehi mea, o tētehi tangata rānei:

Te mutunga mai o te pai! *Couldn't be better!*

Kei taka tātou ki te hē ka pēnei:

Māmā: I pēhea te kiriata, e tama?

Tama: I tino tino rawe! ✘

Tama: **I tino rawe rawa atu!** ✔

Pāpā: He reka te kai, e hine?

Hine: Rawa! ✘

Hine: **He reka rawa atu!** ✔

Hei Mahi

Whakamāoritia ēnei rerenga kōrero:

1. That was absolutely amazing!
2. That was absolutely useless!
3. I really loved the book.
4. That topic is really sad.

He Whakautu:

1. Te mutunga mai o te mīharo!
2. Te mutunga mai o te koretake!
3. I tino rawe rawa atu te pukapuka, ki a au.
4. He tino pōuri rawa atu tērā kaupapa.